

徐蜀◎編

二十四史訂補

隋唐五代正史

訂補文獻彙編

北京圖書館出版社

二十四史訂補

隋唐五代正史

訂補文獻彙編

徐蜀編

3

北京圖書館出版社

陳垣著

舊五代史輯本發覆

第三冊目錄

舊五代史輯本發覆	陳垣著		一
五代史校勘札記	清·劉光蕡著		三三
五代史記纂誤補	清·吳蘭庭著		一四七
五代史記纂誤續補	清·吳光耀著		二〇九
五代史記纂誤補續	清·周壽昌著		三五五
五代春秋志疑	清·華湛思著		三五九
五代史補	宋·陶岳著		三八一
五代史續補	清·牛坤著		四一一
五代史記注補	(卷一至卷二十八)清·徐炯著		四三九

舊五代史輯本發覆序

陳子援菴以長夏餘閒從事薛史嘗慨殿本之多誤而舊刻之久亡也爰取館中原輯本以斟正異同凡奪佚譌謬爲文以數千計顧猶不愜於懷更徧檢冊府元龜所引五代之文排年考事卷別條分字比而句櫛之又得如干事與大典所收互爲按證是舉也匪特殿本之差訛得以是正卽亡於大典而爲館臣所失收者亦藉以奏拾墜補遺之功蓋煌煌乎乙部之鴻著矣顧廣覽千卷之書以探尋八姓十三王之事其端緒至繁而程功非可旦夕期也援菴以余求觀之亟乃刺取各卷所

輯覆 傳序

得凡緣觸犯嫌忌而改竄者都一百九十四則彙爲一編題曰輯本發覆持以見示余閱之而深有感焉自內外之例發於春秋於是夷夏之防深入人心若天理民彝之不可越歷觀近代以來凡外力內侵者恒欲多方調協以泯其迹始震之以刑威繼煦之以惠澤期於積久而相忘然其究也外之彌縫愈力而內之離攜乃益甚潛伏於人心者隱然若畫鴻溝終古不可復合迨其後萌芽滋長觸機迸發舉累世奉戴者顛覆其宗而會不之恤此人心向背之機亦讀史者所宜鑑也溯四庫開館之日有清立國已百有三十年畛域之見宜泯除

久矣今觀是書其嫌諱避忌之蹟何其屑屑焉不憚煩

耶夫援爲尊者諱之例諱建州可也推而上之諱女真猶可也茲乃諱及契丹諱及沙陀夷虜之名稱內犯之史例咸奮筆芟易以滅其迹卽令遵時王之制已爲過舉况雍乾兩朝頻詔禁止而執事諸人仍指瑕索癥若惟恐其不盡者抑又何說且攷當日編輯之事主之者爲餘姚邵二雲邵氏固以博通史學稱其於史例之違戾事實之矯誣與夫詞旨之淆紊寧有不知而顧躬冒不韙辱亂前史而不辭此其故可深長思矣嗟夫乾隆中葉海宇安和文治勃興號爲極盛之世人君方憫然

輯覆 傳序

肆於民上騁其雄猜之略以塗飾天下之耳目而孰知隱伏於士大夫之衷曲者固沈摯而不可磨滅如是耶其外之虔恭愈甚斯其內之厭棄也益深君子觀人心之未亡而知國事尙有可爲也援菴之爲此編殆亦有感於是故就其刪削之處推尋避忌之原以明館臣不得已之故非欲翹前賢之失以自喜也薛史自金泰和後其書不行傳本遂稀然至明季連江陳季立清初餘姚黃黎洲皆家有其書嗣後乃湮沒不聞近歲涵芬樓彙印百衲本全史曾懸金購求人始知歛人汪允宗藏有金承安四年南京路轉運司刊本顧偵訪頻年迄不

可得。惟余微聞其書爲丁運使乃揚舊藏，辛亥國變失之。爲當道某鉅公所獲，存滬濱僑寓中，第秘惜不以示人。可知孤本秘籍，至今猶在人間。夫物之顯晦，有時奇寶豈能終閤，倘異時得觀金源舊刻，以印證援菴所校，必有如符契之合者。其愉快當何如耶？或謂援菴之於薛史，其致力可謂精專，然使一旦原本復出，則今日勤勤所獲者，異時或委之如敝屣，視之若筌蹄矣。以余觀之，竊不謂然。夫古刻雖珍，祇足供校讐之用。若此編之作，則挾取點竄之文，以推求避忌之意，當時似隱爲規約，故館中諸臣雖鴻碩魁儒，不得不執筆俯仰以從其後。用特區爲事例，使學者知薛史絕續之交，尙存此一段公案，以待後世之亭平。非僅以訂訛補逸爲能事，則此編固宜附薛史以長存，而援菴窮年瘁掌之功，爲不徒矣。且匪獨此也，凡有清一代敕編之籍，官撰之書，皆可遵循此例，窺尋筆削之旨，以揭其縛束鈐制之威，是援菴此作，寧獨爲薛史發其覆乎。

共和二十六年七月江安傅增湘序

輯覆傳序

三

序

舊五代史輯本印行者有三本。一爲乾隆四十九年武英殿刊本，此本從四庫全書定本出，不注永樂大典卷數，遇廟諱則改字，如玄作元，胤作允，卷九十六刪南唐鄭玄素傳，此其特徵也。南沙席氏新會陳氏武昌局五洲同文局等各本，均由此出。老同文局本亦由此本重寫影印，其書口稱乾隆四年校刊者，估人之謬也。二爲民國十年豐城熊氏影印南昌彭氏藏本，此四庫全書初寫本也，每卷注大典卷數，廟諱缺筆而不改字，惟卷七十一脫淳于晏傳，此其特徵也。三爲民國十四年吳興劉氏刻甬東盧氏藏本，此本亦從四庫館原輯本出，大體與熊本同，其傳寫在殿本前，在熊本後，故淳于晏傳已補入，而鄭玄素傳未刪，此其特徵也。最近涵芬樓百衲本，卽用劉本影印。

輯覆序

一

故老相傳，殿本薛史曾經改竄，熊劉本出，余嘗以校殿本字句，果有異同。最著者熊劉本戎王二字，殿本悉改爲契丹，或契丹主，又當以冊府元龜校三本，異同之處尤多，其傳寫脫誤廟諱改字及率意改竄者，余別有校記，其最可注意者爲胡虜夷狄等字，莫不改易或刪除，也是不獨殿本然，熊劉本亦莫不然，初以爲冊府引薛

史時所改竄然冊府例不改舊文又以爲冊府所引有薛史與實錄之殊然冊府數門同引一事者其詞句多同卽有不同而胡虜夷狄等字並不改避知非關冊府所引實錄之殊也更以歐史及通鑑諸書校之往往有歐史通鑑與冊府同而與今輯本異者知改竄實出自輯本其改竄且不止一次故有熊劉本與殿本之殊凡所改三本皆同者纂輯時所改者也殿本與熊劉本異者雕版時所改者也殿本異而有挖補痕或增刪字句以就行款者雕成後所改者也第一次所改爲總纂及纂修官之事占十之六第二第三次所改爲總校及分

輯覆序

校官之事占十之四然發縱指示者恐仍在總裁也一百五十年來學者承誦引據以爲薛史真本如此信奉不疑而孰料其改竄至於如此今特著其忌改之例以發其覆熊劉本與殿本同者不另著著其異者惜余所校未爲該備其輯本有而冊府無及冊府載而輯本刪者尙無從校之也然卽此已可例其餘矣中華民國二十六年七月新會陳垣識於北平南官坊口寓廬

舊五代史輯本發覆目錄

卷一 忌虜第一

葉四

虜改敵

十

虜騎改敵騎

十二

虜改契丹

十四

北虜改契丹

十九

虜主改契丹主

二一

卷二 忌戎第二

二三

戎王改契丹

二六

戎王改契丹主

二八

輯覆目

三

忌胡第三

三一

忌夷狄第四

三四

忌大戎第五

三六

卷三 忌蕃忌首第六

三八

忌僞忌賊第七

三九

忌犯關第八

四三

忌漢第九

四五

雜忌第十

四六

凡一百九十四條

附薛史輯本避諱例

五二

舊五代史輯本發覆卷一

新會 陳垣 援菴

忌虜第一

卷三梁太祖紀開平元年十月先是帝欲親征河東命朝臣先赴洛都是是緩其期

冊府卷一九七朝會門作帝欲親征北虜今改劉本誤注冊府卷一七九

十九梁氏叔琮傳乃于軍中選壯士二人深目虬鬚貌如沙陀者令就襄陵縣牧馬于道間蕃寇見之不疑二人因雜其行間俄而伺隙各擒一人而來

輯覆一

四

冊府三六七機略門道間作道周各擒一人作各擒一虜

二一梁霍存傳復與晉軍戰于馬牢川始入爲前鋒出則後拒晉不敢逼

冊府三四六佐命門作虜不敢逼凡此所謂虜皆指沙陀

五二唐李嗣昭傳契丹三十萬奄至嗣昭從莊宗擊之敵騎圍之數十重良久不解嗣昭號泣赴之引三百騎橫擊重圍馳突出沒者數十合契丹退翼莊宗而還

冊府三四七佐命門作嗣昭從莊宗擊虜於新城阿

保機在望都莊宗深入親與虜鬪虜騎圍之數十重今刪去數句以避虜字又重圍原作虜圍契丹退原作虜退此以後所謂虜類指契丹

五六唐符存審傳契丹犯燕薊郭崇韜奏曰汴寇未平繼韜背叛北邊捍禦非存審不可

冊府三四七佐命門作北邊遮虜非存審不可今改此纂輯時所改者也

九五晉皇甫遇傳父武流寓太原嘗爲遮塞軍使

熊劉本作遮虜軍使當是大典引薛史原文殿本改有挖補痕此雕成後所改者也卷二五唐武皇紀乾

輯覆一

五

符六年武皇以一軍南抵遮虜城此遮虜未改

六四唐王晏球傳王都據定州契丹遣托諾率騎千餘來援晏球督厲軍士令短兵擊賊賊軍大敗于嘉

山之下俄而契丹首領特哩袞率勇騎五千至唐河是時大雨晏球出師逆戰特哩袞復敗追至易州河水暴漲所在陷沒俘獲二千騎而還契丹遂弱

冊府三六〇立功門作契丹遣奚首領禿餒率虜千騎援都晏球預督勵士卒以待之及賊虜至一戰

敗於嘉山之下俄而契丹首領惕隱率虜騎五千來援都是時大雨虜至唐河晏球出師逆戰與虜相

遇三戰。惕隱大敗。追至易州。河水暴漲。所在陷溺。獲虜二千騎而還。虜勢繇是援絕。此文刪改甚多。皆爲避虜字。

六七唐盧程傳。豆盧革言及漢高臨廣武事。矢及於脣。紇云中足程曰。此劉季失策。

冊府三三六強很門。九四四佻薄門。均作紇云虜中吾足。史記漢書高祖紀。本作漢王傷胸。乃捫足曰。虜中吾指。此虜指項羽。今亦刪避。

八二晉少帝紀。開運元年二月。博州刺史周儒以城降契丹。左武衛將軍蔡行遇率數百騎赴之。遇伏兵于葭

葦中。行遇爲賊所執。鋒鏑重傷。不能乘馬。坐舂中昇至幕帳。

冊府四四四陷沒門。作以城降虜。又幕帳作虜帳。

八四晉少帝紀末。行實自燕廻。得延壽書。且言久陷邊庭。願歸中國。

謂趙行實。趙延壽也。冊府九九八姦詐門。作久陷虜庭。歐史契丹傳。簡此文。亦作陷虜思歸。

八八晉景延廣傳。初高祖在位時。宣借楊光遠騎兵數百。延廣請下詔遣還。光遠由此忿延廣。怨朝廷。遣使汎海搆毀。

冊府四四六生事門。九三五搆患門。均作汎海搆虜。搆虜謂勾結契丹。今改搆毀。失其義。又遣還。原作追還。今改。

又少帝大駭。親率六師。進駐澶淵。延廣爲上將。

冊府九三五搆患門。澶淵下。尙有虜攻張從恩於鄴下。又分衆濟汝陽。黃河北。津以趣榮丘。爲我騎將皇

甫遇李守真。挫其鋒。虜尋退。次攻澶淵等數旬。今刪。

八八晉張希崇傳。天成初。契丹平州節度使盧文進南歸。契丹主以希崇繼其任。遣腹心總邊騎三百以監之。

希崇莅事數歲。契丹主漸加寵信。一日登郡樓。私自計

曰。昔班仲升西戍。不敢擅還。以承諾故也。我今入關。斷在胸臆。何恬于不測之地。而自滯耶。部曲皆泣下沾

衣。且曰。明公欲全部曲南去。善則善矣。如敵衆何。希崇

曰。俟明日首領至牙帳。則先擒之。契丹無統領。其黨必散。且平州去王帳千餘里。待報至。徵兵踰旬方及。此則

我等已入漢界深矣。

冊府四〇五識略門。八七九計策門。邊騎均作虜騎。

不測之地。均作不測之虜。契丹無統領。均作虜無統

攝。王帳均作虜帳。歐史通鑑亦作虜帳。惟契丹主漸加寵信。冊府四〇五作虜主。八七九作虜中。如敵衆

何四○五作虜衆八七九作虜卒冊府二卷不同者非一引薛史一採實錄之殊卽傳寫有異也

八八晉王庭允傳先是契丹欲以王處直之子威爲定州節度使處直則庭允之叔祖也處直爲養子都所篡時威北走契丹契丹納之至是契丹遣使諭高祖云欲使王威襲先人土地

冊府九九九請求門作威北走虜廷虜納之至是虜遣使云云今改王庭允冊府作王廷裔避宋諱熊劉本同改爲王庭胤缺末筆殿本改作允

八九晉桑維翰傳維翰疏契丹強盛中華之精甲利兵

輯復一

八

悉歸廬帳

冊府九九四備禦門作悉歸虜北

九八晉趙德鈞傳又于閭溝築壘以戍兵守之因名良鄉縣以備寇鈔又于幽州東築三河城北接薊州頗爲形勝之要

冊府四一○壁壘門以備寇鈔作自是稍息虜寇又三河城句下原有以遏虜寇三河接薊州有漕運之利初聚工興築虜騎遮我糧廩云此我疆界安得設板築德鈞以禮責之出師將擊虜乃退去故城守堅完到今爲形勝之要云云凡五十餘字今悉刪去

一一四周世宗紀顯德元年二月帝曰劉崇幸我大喪聞我新立自謂良便必發狂謀謂天下可取謂神器可圖此際必來

冊府五七英斷門狂謀下有誑惑人心勾誘北虜二句今刪

一一五周世宗紀顯德二年十一月諭淮南州縣詔幸數朝之多事與北境以交通厚啟兵端誘爲邊患

冊府一二三征討門作與北虜而交通又作厚啟戎一心熊劉本北虜改北境與殿本同此纂輯時所改者也戎心熊劉本仍原文殿本改兵端此雕版時所改

輯復一

九

者也

一一九周世宗紀顯德六年五月王師數萬不亡一矢邊界城邑皆望風而下

冊府四四神武門一一八親征門均作虜界城邑皆迎刃而下

一二五周馮暉傳乃上章自陳且言未老可用而制書見遺詔報云非制書忽忘實以朔方重地蕃部窺邊非卿雄名何以彈壓

冊府三二三機略門作雜虜窺邊

一二七周盧文紀傳兵革之後宗社甫寧外寇內侵強

臣在境

冊府三三五不稱門三三六識閭門均作虜寇內侵
一三七契丹傳天祐十三年八月安巴堅率諸部號稱
百萬自麟勝陷振武長驅雲朔北邊大擾莊宗赴援于
代其衆方退

冊府九八七征討門作阿保機率諸部又作莊宗赴
援於代北虜衆方退今刪改熊劉本虜衆作敵衆纂
輯時改敵衆雕版時又改其衆也

虜改敵

三五唐明宗紀天祐十四年四月周德威開使告急

輯覆一

十

諸將咸言敵勢不能持久野無所掠食盡自還然後踵
而擊之可也帝奏曰德威盡忠於國家孤城被攻危亡
在即不宜更待敵衰

冊府四五謀略門敵勢作虜勢敵衰作虜衰通鑑同

五九唐開寶傳天祐十九年正月契丹三十萬來援鎮
州前鋒至新樂衆心憂之寶見莊宗指陳方略軍情乃
定敵退加檢校侍中

冊府三八七褒異門敵退作虜退

八二晉少帝紀開運元年正月太原奏與契丹戰于秀
容斬首三千級生擒五百人獲敵將一十七人賊軍散

入鷄鳴谷

冊府一一八親征門作與契丹偉王戰於秀容獲
其虜將一十七奪得偉王金槍鐵甲及旗幡等潰散
賊軍入鷄鳴谷今刪偉王等句改虜將爲敵將

八三晉少帝紀開運二年正月王師與契丹相拒于相
州北安陽河上知州符彥倫曰此敵將走矣乃出甲
士五百于城北張弓弩以待之契丹果引去

冊府四二八料敵門此敵作此虜契丹果引去作虜
果引去

八四晉少帝紀開運三年八月李守貞奏大軍至望都

輯覆一

十一

縣相次至長城北遇敵千餘騎轉鬪四十里斬蕃將嘉
哩相公

冊府九八七征討門作遇虜寇千餘騎又作解里相
公

九四晉李瓊傳時高祖從行至涿州與敵相遇高祖陷
于圍中瓊顧諸軍已退密牽高祖鐵衣指東而遁至劉
李河爲敵所襲

冊府一七二求舊門兩敵字均作虜

九五晉郭璘傳開運中移領易州契丹攻其郡璘率勵
士衆同其甘苦敵不能克

冊府四〇〇固守門四二五死事門均作虜不能克

一〇六漢李彥從傳鎮州逐敵之際請兵于朝廷

冊府四一四赴援門作鎮州逐虜之際

一〇六漢張鵬傳晉開運中契丹迫澶州鵬爲前鋒監押奮身擊敵

冊府三九六勇敢門作奮身擊虜

一〇九漢杜重威傳會大風狂猛軍情憤激符彥卿張彥澤等引軍四出敵衆大潰

冊府四五三怯懦門作虜衆大潰

虜騎改敵騎

輯覆一

三

二十梁張存敬傳存敬引騎軍先犯敵將諸軍翼之敵騎大敗

冊府三四六佐命門三九六勇敢門四一四赴援門均作先犯虜騎虜騎大敗

一二梁王檀傳乾化元年正月王景仁與晉人戰于柏鄉王師敗績河朔大震景仁與衆爲敵騎所追

冊府四一四赴援門作景仁餘衆爲虜騎所追此虜騎均指沙陀

三五唐明宗紀天祐十四年八月距幽州兩舍敵騎復當谷口而陣

冊府二十功業門敵騎作虜騎此以後之虜騎皆指契丹

九五晉皇甫遇傳審琦已至安陽河謂首將張從恩曰皇甫遇等未至必爲敵騎所圍若不急救則成擒矣從恩曰敵甚盛無以枝梧將軍獨往何益審琦曰成敗命也遂率鐵騎北渡赴之契丹見塵起謂救軍併至乃引去

謂安審琦也冊府三七四忠門三九六勇敢門敵騎均作虜騎契丹見塵起均作虜見塵起惟敵甚盛三七四作虜原至衆三九六作虜勢甚熾

輯覆一

三

一〇八漢龍敏傳夜盲敵騎循山入大砦雖鐵障亦可衝踏况敵騎乎

冊府四七七謀畫門兩敵騎均作虜騎通鑑同

一〇九漢杜重威傳每敵騎數十驅漢人千萬過城下如入無人之境

冊府四五三怯懦門敵騎作虜騎歐史作胡騎

一一五周世宗紀顯德二年三月築壘于李晏口以兵戍守功未畢契丹衆尋至彥超等擊退之及壘成頗扼要害自是敵騎雖至不敢涉河

謂王彥超也冊府九九四備禦門作功未畢而虜至

又作虜騎雖至終不敢涉河。

一二七周盧文紀傳敵騎倏往忽來無利則去。

冊府三三六識闇門作虜騎倏往忽來通鑑作胡兵倏來忽往。

虜改契丹

五三唐李存璋傳契丹逼雲州存璋拒守城中有古鐵車乃銘爲兵仗以給軍士敵退以功加檢校太傅大同軍節度使。

冊府三四七佐命門作虜逼雲州敵退作虜退四〇〇固守門作賊攻雲州敵退作賊遂退

輯覆一

十四

七十唐張敬達傳時以契丹率族帳自黑榆林至云借漢界水草敬達每聚兵塞下以遏其衝契丹竟不敢南牧。

冊府四二九守邊門作契丹率族帳自黑榆林摽制泊移至沒越泊云借漢界水草又作虜竟不敢南牧今將兩地名刪去並改虜爲契丹摽制泊通鑑注引作捺剌泊

八八晉景延廣傳天福八年十二月契丹乃南牧

冊府四五四豪橫門作北虜南攻九三五搆患門作虜乃南牧

又契丹旣至城下使人宣言曰景延廣喚我來相殺何

不急戰及契丹退延廣猶閉柵自固士大夫曰昔與契丹絕好言何勇也今契丹至若是氣何憊也

冊府四五三怯懦門九三五搆患門契丹均作虜及契丹退冊府四五三作及虜退九三五作虜旣還

八八晉王庭允傳契丹深怒其見拒使人復報曰爾自諸侯爲天子有何階級耶高祖畏其滋蔓則厚賂力拒其命契丹怒稍息

冊府九九九請求門作王威深怒其見拒熊劉本王威作戎王殿本改契丹又契丹怒稍息冊府作虜忿稍息

輯覆一

十五

八九晉桑維翰傳因思維翰在相時累貢謀畫請與契丹和慮契丹到京窮究其事

通鑑考異三十殺桑維翰條引薛史作請與虜和慮戎主到京今改熊劉本戎主作戎王

九五晉皇甫遇傳二年契丹南寇從至澶州戰于鄆州北津契丹衆大敗

開運二年也冊府三六〇立功門三八七褒異門契丹均作虜

又三年契丹率衆屯邯鄲遇與安審琦慕容彥超等禦之遇將渡漳河契丹前鋒大至

冊府三七四忠門三九六勇敢門均作虜長率衆屯邯鄲虜前鋒大至。

又四年契丹復至從杜重威營澤水重威送款于契丹遇不預其議及降心不平之時契丹欲遣遇先入汴遇辭之。

冊府三七四忠門作虜復至又作時耶律氏欲遣遇先入汴今改熊劉本耶律氏作戎王。

九五晉王清傳九年春契丹南牧圍其城清與張從恩守之少帝飛蠟詔勉諭錫之第宅契丹退以干城功繼遷軍額。

輯覆一

七

天福九年也冊府三六〇立功門四〇〇固守門契丹退均作虜退。

又十一月從杜重威收瀛州聞契丹大至重威率諸軍沿潯水而西將保常山及至中渡橋契丹已屯于北岸冊府四二五死事門作虜已屯於北岸。

又清一擊獲其橋契丹爲之小卻重威猶豫不進密已貳于國矣彥筠退走清列陣北岸嚴戒部曲日暮酣戰不息契丹以生軍繼至我軍無寸刃以益之。

謂宋彥筠也冊府四二五死事門契丹均作虜。

九五晉梁漢璋傳詔以漢璋充北面馬軍都排陣使遣

收於口關與契丹騎五千相遇于浮陽之北界苦戰竟日。

冊府四二五死事門作與虜騎五千相遇。

一〇〇漢高祖紀天福十二年八月壬午朔鎮州駐屯護聖左廂都指揮使白再筠等逐契丹所命節度滿達勒復其城。

冊府九八七征討門作鎮州先屯騎將白再榮奏逐出虜將麻答復其城今改又誤榮爲筠熊劉本不誤一〇三漢隱帝紀乾祐三年正月故深州刺史史萬山贈太傅先是契丹入邊萬山城守一日契丹數千騎

輯覆一

七

迫州東門萬山父子率兵百餘人襲之僞退十餘里而伏兵發萬山死之。

冊府四二五死事門作乾祐三年春虜大入寇萬山城守有功虜退一日虜數十騎侵州東門萬山父子以虜不多乃率牙兵百餘人襲虜虜僞退十餘里而兵發萬山死之凡六虜字二改契丹餘皆刪去致文義不明又數十騎誤數千騎。

一〇六漢劉在明傳高祖踐阼授幽州道行營都部署時契丹守中山在明出師經略契丹乃棄城而去。

冊府三六〇立功門三八七褒異門契丹均作虜。

一〇九漢杜重威傳契丹主自古北口廻軍追躡王師重威等狼狽而旋至陽城爲契丹所困

冊府四五三怯懦門契丹均作虜

一二五周王饒傳漢祖建義于晉陽尋克復諸夏惟常山郡爲契丹所據時饒在其郡乃與李筠白再榮之儔承閒竊發盡逐其黨

冊府三八七褒異門作常山郡爲虜所據

一二六周馮道傳契丹遣使加徽號于晉祖晉祖亦獻徽號于契丹謂道曰此行非卿不可

冊府三二九奉使門契丹均作虜據通鑑考異此爲

輯覆一

十八

薛史因周世宗實錄馮道傳之文

又道在常山見有中國士女爲契丹所俘者出囊裝以贖之

冊府八六四仁門契丹作虜

一二七周盧文紀傳三年夏晉祖引契丹拒命

清泰三年也冊府三三六識閭門作晉祖引虜拒命

一三一周賈緯傳契丹入京師隨契丹至眞定後與公

卿還朝

冊府四八一輕躁門作虜陷京師隨虜至眞定諸將

逐麻答後與公卿還朝今虜改契丹並刪逐麻答句

一三五僭僞劉崇傳及周世宗嗣位崇復乞師于契丹以圖入寇契丹遣將楊衮合勢大舉來迫潞州

冊府二三四兵敗門作崇乞師於虜與虜將楊衮合勢大舉來迫潞州今添改楊衮疑應作楊究但歐史通鑑均作楊衮

北虜改契丹

七十唐李嚴傳嚴曰子言契丹之強盛孰若僞梁曰比梁差劣也嚴曰吾國視契丹如蚤蝨耳

冊府六六〇敏辯門作子言虜之強盛孰若僞梁又曰吾國視北虜如蚤虱耳六五二宣國威門引此略

輯覆一

十九

殊亦作視北虜如蚤虱

七三唐段凝傳契丹寇幽州命宣徽使李紹宏監護諸軍以禦契丹凝與董璋戍瓦橋關凝巧事紹宏嘗乘閒奏凝蓋世奇才可以大任

冊府九三八姦佞門作以禦北虜又巧事紹宏下復有紹宏二字今脫

八八晉景延廣傳遂罷兵權出爲洛都留守兼侍中由是鬱鬱不得志亦意契丹強盛國家不濟身將危矣

冊府四五四奢侈門作亦意北虜強盛

八九晉桑維翰傳高祖建義太原首豫其謀復遣爲書

求援于契丹果應之俄以趙德鈞發使聘契丹高祖懼其改謀命維翰詣幕帳述其始終利害之義其約乃定冊府六五五智識門作求援於北虜虜果應之俄以趙德鈞發使聘虜又幕帳作虜帳其約乃定作虜心乃定今悉改

九十晉安元信傳俄問契丹有約赴難元信入說朗日張敬達雖圍太原而兵尙未合代郡當鴈門之衝敵至其何以禦

謂張朗也冊府七九六先見門作北虜有約赴難又作虜至其何以禦

輯覆一

三

九五晉翟璋傳高祖建義割新州屬契丹時契丹大軍歸國遣璋于管内配率犒宴之資須及十萬緡山後地貧民不堪命始契丹以軟語撫璋璋謂必得南歸及委璋平叛奚園雲州皆有功故留之不遣

冊府四四四陷沒門作割新州屬北虜又作戎王以軟語撫璋熊劉本仍作戎王殿本改

一〇一漢隱帝紀初契丹犯京師侯益趙贊皆受其命節制岐蒲

冊府四三五獻捷門作北虜犯京師侯益趙贊皆受虜命

一〇八漢李崧傳先是長興三年冬契丹入雲中冊府一七二求舊門作北虜寇雲中

虜主改契丹主

八九晉趙瑩傳及契丹陷京城契丹主遷少帝于北塞冊府九五三傷感門作虜陷京城虜主遷少帝於北塞

九五晉郭璘傳契丹主嘗謂左右曰吾不畏一天下乃爲此人所抑挫重威降契丹使通事耿崇美誘其民衆璘不能制

謂杜重威也冊府四二五死事門作虜主嘗謂左右

輯覆一

三

虜使通事耿崇美

九九漢高祖紀開運元年正月契丹南下契丹主以大軍直抵澶州遣蕃將偉王率兵入雁門

冊府八創業門作虜主以大軍直抵澶州

一〇七漢史宏肇傳會王守恩以上黨求附契丹主命大將耿崇美率衆登太行欲取上黨

冊府三四七佐命門四一四赴援門契丹主均作虜主

又家僮詣宏肇上變言契丹主之入汴也趙延壽遣福殷齋玉枕陰遣淮南

謂何福殷也。冊府四四入殘酷門。契丹主作虜主。

一〇八漢龍敏傳。敏奏曰。臣有一計。請以援兵從東。王李贊華取幽州。路趨西樓。契丹主必有北顧之患。

冊府四七七謀畫門。契丹主作虜主。

一〇九漢杜重威傳。契丹主連年伐晉。重威但閉壁自守。部內城邑相繼破陷。

冊府四五三怯懦門。作虜主連年入寇。

一〇九漢李守貞傳。開運元年春。敵眾犯澶。魏少帝幸澶州。契丹主造滿達勒以奇兵由鄆州馬家口濟河。開運二年春。契丹主以全軍南下。

輯覆一

三

冊府三六〇立功門。敵眾作虜眾。契丹主作虜主。熊

劉本虜眾改契丹。兩虜主亦改契丹。殿本改契丹主。

一二五周王繼宏傳。爲奉國指揮使。從契丹主至相州。遂令以本軍戍守。契丹主留高唐英爲相州節度使。唐英善待繼宏。

冊府九四三不誼門。指揮使下有虜陷中原句。今刪。又兩契丹主原均作虜主。

舊五代史輯本發覆卷一

舊五代史輯本發覆卷二

新會 陳垣 援菴

忌戎第二

卷五九唐張溫傳。同光初。契丹陷媯。僞檀順平薊六州。武州獨全。

冊府卷三六〇立功門。四二九守邊門。契丹均作北戎。

八三晉少帝紀。開運二年三月。杜威召諸將議曰。北主自來。實爲勍敵。若不血戰。吾輩何以求免。

杜威卽杜重威。熊劉本北主作戎首。戎字熊劉本不

輯覆一

三

盡避也。卷五梁太祖紀。開平三年十一月戊戌。制外

戎內夏。殿本亦不盡避。

八八晉張希崇傳。先是靈州戍兵歲運糧。經五百里。有剽攘之患。

冊府五〇三屯田門。作先是州界與戎人交處。每歲以戍兵運糧。今刪改。運糧熊劉本誤軍糧。

八九晉桑維翰傳。維翰疏契丹未可與爭。契丹皆騎士。利在坦途。中國用徒兵。喜于隘險。

冊府九九四備禦門。作戎人皆騎士。熊劉本仍原文。殿本改。